

## Informacija wo izolowanju w Sakskej

pláči wot 25. apryla 2022

### Što činić, hdyž na infekciju z korona-wirusom SARS-CoV-2 tukaće, hdyž maće pozitiwny test abo sće bliska kontaktna wosoba?

#### 1. HDYŽ NA TO TUKAĆE, ZO SĆE SO INFICĚROWAŁ/A

Waš sebjetest (bjez dohlada) bě pozitiwny abo maće symptomy kowida a sće PCR-test činił/a?

- Dyrbiće doma wostać (t. r. so izolować). Swoje bydlenje abo swój přebyt看 směće jenož wopuścić, hdyž k lěkarjej abo na PCR-test džeće.
- Po pozitiwnym sebjetesće dyrbiće so testować dać – hdyž maće symptomy, pola lěkarja, hewak w testowanišću.
- Hdyž z druhimi ludźimi hromadže bydliće, chodźće jim po móžnosći z puća.
- Prošu informujće swojeho dźěłodawarja, hdyž na infekciju tukaće.

Hdyž je PCR-test negatiwny, njetrjebaće so wjace izolować. Wuslědk negatiwneho testa sej schowajće. Je-li PCR-test pozitiwny, dyrbiće so dale izolować (hlej: 2. *pozitiwny wuslědk testa*).

#### 2. PŘI POZITIWNYM WUSLĚDKU TESTA

Waš antigenowy spěšnotest abo PCR-test bě pozitiwny?

- Hdyž je Waš antigenowy spěšnotest pozitiwny, dyrbiće hišće PCR-test přewjesć dać.
- Dyrbiće z najmjeńša pjeć dnjow doma wostać (t. r. so izolować). Z ličakom za karantenu (hlej internetnu stronu Wašeho wokrjesa abo bjezwokrjesneho města) móžeće sej wuličić, hdy so Waša izolacija skónči.
- Směće jenož won, hdyž k lěkarjej abo na testowanje džeće.
- Hdyž z druhimi ludźimi hromadže bydliće a sće zašlej dnjej z nimi tež wuski kontakt měł/a, dyrbiće jim hnydom rjec, zo je Waš test pozitiwny a zo dyrbja so na kedźbu brać (hlej: 3. *kontaktna wosoba*).
- Informujće tež wšitke dalše wosoby, z kotrymiž sće dwaj dnjej do testa abo do Wašich symptomow kontakt měł/a (hlej: 3. *kontaktna wosoba*).
- Njehodźće ludžom we Wašim bydlenju blisko, zo jich natyknył/a njebyšće.
- Informujće swojeho dźěłodawarja abo w trěbnym padže šulu resp. dźěćace dnjowe přebywanišće.
- Dopokaz wo Wašej infekciji kaž tež za trěbne izolowanje je wuslědk PCR-testa. Wuslědk testa sej prošu schowajće. Wón je trěbny za certifikat wo wustrowjenju.
- Sće-li 48 hodžin bjez symptomow, móžeće najzašo wot pjateho dnja swoju izolaciju skónčić. Na kóncu so wjace testować njetrjebaće.
- Prošu budźće hišće hač do 10. dnja po spočatku izolacije jara skedźbliwy/a: Chodźće w masce, sće-li w bliskosći druhim ludźi, redukujuće swoje kontakty a njezetkawajće so ze staršimi abo chorymi ludźimi.
- Jeli so hišće chory/a čujeće abo maće-li hišće symptomy, dyrbiće so dale izolować (maks. do 10. dnja). Sće-li 48 hodžin bjez symptomow, so Waša izolacija skónči. Pozhubjenje sloda abo čucha k tomu njeliči – druhdy dołho traje, doniž so njewróci.
- Štóz we wobłuku hladanja, medicinskeho zastaranja abo pomocy zbrašenym dźěła, trjeba negatiwny test, zo móhł zaso na dźěło chodźić. To njepláči, hdyž je izolowanje z najmjeńša 10 dnjow tralo.

#### 3. PŘI BLISKIM KONTAKĆE Z POZITIWNJE TESTOWANEJ WOSOBU (kontaktna wosoba)

Bydliće abo maće jara wuski kontakt z někim, kiž bu pozitiwnje testowany?

- **Njetrjebaće** doma wostać (so izolować).
- Po pozitiwnym tesće wosoby z domjacnosće njech su wšitke kontaktne wosoby 10 dnjow dołho abo po poslednim kontakće wosebje skedźbliwi. Njech džiwa na typiske symptomy, njech dadža so třeci abo štwórty džeń po kontakće testować a so tak zředka kaž móžno z ludźimi zetkawaja a njech so při tym masku sćinja. Prošu njezetkawajće so ze staršimi abo chorymi ludźimi.
- Štóz ma symptomy, njech so hnydom testować da. Wón pláči potom jako wosoba, pola kotrejež so na koronu tuka (hlej: 1. *Hdyž na to tukaće, zo sće so inficěrował/a*).

Testowanišća a wšitke informacije wo koronje namakaće na:

internetnej stronje Wašeho wokrjesa abo bjezwokrjesneho města, [www.coronavirus.sachsen.de](http://www.coronavirus.sachsen.de)

**Je jara wažne, zo nětko sobu skutkujeće, zo bychmy pandemiju zhromadnje zadźerželi.**